

詩

經

類

考

詩經類考卷之九

明武塘沈萬鈞仲容采輯

宗族考

名物疏云按古之釋族者有三說古尚書說云九族高祖玄孫之親鄭玄周禮小司徒掌三族之別以辨親疎及禮記閨門之內有禮故三族和注云三族父子孫士昏禮請期曰惟是三族之不虞使其也請吉日注云三族謂父昆弟已昆弟子昆弟喪服小記曰親親以三爲五以五爲九上殺下殺旁殺而親畢矣鄭注以上親父下親子三也以父親祖以子親孫五

也。以祖親高祖以孫親玄孫九也。此純以父族而言者也。戴禮尚書歐陽說云九族父族四五屬之內一父女昆弟適人者與其子二已女昆弟適人者與其子三已之子適人者與其子四母族三母之父姓一母之母姓二母女昆弟適人三妻族二妻之父姓一妻之母姓二此兼內外親而言者也。杜預左傳親其九族注云九族謂外祖父外祖母從母子及妻父妻母姑之子姊妹之子女子之子此純以外親而言者也。予謂當從孔安國鄭康成爲正。蓋小記云親親以三爲五以五爲九此九族之定訓也。經或言三族者

舉其本或言九族者及其末爾雅於內宗皆曰族於
毋妻曰黨而已禮小功之末可以嫁娶妻之黨固無
嫌於嫁娶不容慮其不虞士昏禮欲及未有慮其不
虞而迎婦知異姓不在族中明矣且季梁對君無容
近舍本宗而遠取外屬元凱之釋尤爲大謬宋昭公
欲去羣公子樂豫曰公族公室之枝葉也不可縱尋
斧焉豈亦異姓乎孔氏乃疑高曾曾玄不能一身備
有故以外親充數殊不知國君宗室繁衍高曾雖亡
與高曾一代者或高曾之子孫非高曾族乎曾玄雖
無與曾玄爲一代者非曾玄族乎何足以難孔鄭之

義也沮洳釋公族又有二說毛云同祖朱云同高祖
據左傳曰同姓于宗廟謂諸姬也同姓于祖廟謂凡
蔣邢茅胙祭也同族于禰廟謂五服之內也記云五
廟之孫祖廟未毀雖爲庶人宍取妻必告死必訃練
祥則告是朱義有所昉不似毛公徒對例而云也○
白虎通宗尊也爲先祖主族人之所尊也宗其爲始
祖後者爲大宗此百世之所宗也宗其爲高祖後者
五世而遷者也高祖遷于上宗則易于下宗其爲曾
祖後者爲曾祖宗宗其爲祖後者爲祖宗宗其爲父
後者爲父宗以上至高祖宗皆爲小宗以其轉遷別

于大宗也別子者自爲其子孫爲祖繼別也各自爲宗小宗有四大宗有一凡有五宗人之所親備矣○禮書云公子不得禰先君故爲別子而繼別者族人宗之爲大宗遠雖至于絕屬猶爲之服齊衰三月毋妻亦然庶子不得祭祖故諸兄弟宗之爲小宗以其服服之大宗遠祖之正體則一而已小宗高祖之正體其別有四諸侯之公子上不得宗君下未爲後世之宗必有以統之君無適昆弟使庶昆弟一人爲宗統公子禮如小宗故曰有小宗而無大宗君有適昆弟使之爲宗以統公子不復立庶昆弟爲宗故曰有

言類考
卷之六
三

大宗而無小宗公子一而已無公子可宗亦無公子
宗之故曰有無宗亦莫之宗當其爲宗則宗子統族
人于外主婦統族婦于內死雖殤也必喪以成人齒
雖七十也主婦不可缺居雖異邦也正祭不可舉妻
死雖母在也禫不可屈尊與出嫁者不敢降其服賢
者不敢干其任貴者不敢擅其祭衆車徒不敢以入
其門凡以尊正統而一人之情也惟其疾與不肖然
後易之名物疏別子者諸侯之庶子則於適子而爲大
夫士之始祖也繼別者別子之適子爲大宗乃族人
祭祀之宗百世不遷者故宗室惟大夫士有之○梁

氏策要曰別子者何也諸侯以嫡長繼世爲君適子
毋弟以下爲大夫皆謂庶子庶子不敢祖諸侯故謂
別子也爲祖者何也以其爲後世始祖也或曰別子
有三者何也此言諸侯嫡子之毋弟一也或異姓始
來爲卿大夫於此而別於本國不來者二也或起自
民庶爲卿大夫而別於隱淪者三也繼別爲宗何也
別子之嫡子繼別子而爲大宗世世以嫡子嗣之而
凡羣庶子之子孫無不宗之也此大宗也小宗有四
何也其第一世曰繼禰小宗爲親兄弟取宗其服朞
第二世曰繼祖小宗爲同堂兄弟所宗其服大功第

言身者元
三世曰繼曾祖小宗爲再從兄弟所宗其服小功第
四世曰繼高祖小宗爲三從兄弟所宗其服總麻自
五世外則無服矣百世不遷之宗何也卽大宗也小
宗有四而大宗惟一雖五世外亦爲之齊衰三月也
五世則遷之宗卽小宗也蓋大宗始祖之親始祖之
廟以義立故百世不毀小宗高祖之親高祖之廟以
恩立故五世則遷喪服小記所謂祖遷于上宗易于
下者也○陳祥道禮書曰當其爲宗則宗于統族人
于外主婦統族婦於內凡以尊正統而一人之情也
惟其疾與不肖然後易之故史朝言孟紫非人也將

不列于宗賀循言奸回淫亂則告廟而立其次凡此特義之權耳非其所得已者也○白虎通曰諸侯奪宗明尊者宜之大夫不得奪宗何曰諸侯世世傳子孫故奪宗大夫不傳子孫故不宗也喪服經曰大夫爲宗子不言諸侯爲宗子也○胡翰曰夫大宗小宗之法其廢也久矣記大傳嘗載其說曰別子爲祖繼別爲宗繼禰者爲小宗有百世不遷之宗有五世則遷之宗百世不遷者別子之後也宗其繼別子之所自出者百世不遷者也宗其繼高祖者五世則遷者也說者爲別子爲公子若始來在此國者後世以爲

言經義考 卷之六 宗法考 五 〇〇六
祖繼別者謂別子之世嫡也兄弟尊之謂之小宗繼
高祖者亦小宗也又曰有小宗而無大宗者有大宗
而無小宗者有無宗亦莫宗者公子是也說者爲公
子爲先君之子今君兄弟又曰公子有宗道公子之
宗爲其士大夫之庶者宗其士大夫之嫡者公子之
宗道也說者以公子不得宗君君命嫡昆弟爲之宗
使之宗之是公子之宗道也至於國之卿大夫有不
出於公族者蓋未嘗及也而士庶人之事則又略無
所見故後世之言宗法者止於卿大夫之有采地者
以禮斷之也然禮固未嘗言士庶人無宗也且使大

夫或有廢而爲士庶人者其宗法亦將隨而廢乎抑
否乎使士庶人有升而爲卿大夫者則於法宜得立
宗矣而族之嫡子有宗之道乎抑自爲後世之宗
乎曾子問曰宗子爲士庶子爲大夫其祭也如之何
孔子曰以上牲祭于宗子之家若宗子雖不爲大夫
而有世祿則自以上牲祭之矣雖世子子爲大夫亦
無加焉惟大宗之子無世祿而小宗繫士庶人之子
孫其有庶子爲大夫者乃以上牲祭宗子之家是所
謂宗子者其卿大夫之世適乎其有非卿大夫之適
而士之世適者其兄弟爲卿大夫遂以適士爲宗子

可乎孔子曰宗子爲殤而死庶子弗爲後也或大宗
之世適有絕其後也族人可繼以爲後乎抑亦弗爲
後乎苟不爲後則大宗廢矣勿爲後者其兄弟徑自
繼祖禰勿爲殤子後也非廢宗也大宗旣廢則族人
皆五世則遷之宗也其於疏屬終不能合而爲一則
所謂尊祖者得無有未盡乎百世不遷之宗其死也
族人爲之服齊衰三月其母死妻之死也亦然五世
則遷之宗其死也當服者爲之大功九月其母妻之
死也何獨無服乎後世宗法不行宋儒往往欲立小
宗之法今士庶人之家祭祀有用宗子法者亦合於

禮之意乎抑以古卿大夫之事而今士庶人行之得無僭乎朱子之述家禮固欲同志之士熟講而勉行也其於祭祀之禮未嘗不嚴於主人主婦之位則固寓宗子之法矣不然則亦有可處置者乎太宰以九兩係邦國之民曰宗以同族得民其所謂得民者豈止於今記禮者之言乎將猶有可推者乎此皆所未喻也○羅虞臣小宗辨曰夫重本始聯族屬叙親疎別嫡庶莫大乎宗法傳曰繼禰之爲小宗何也小宗別子之庶子也庶子不得禰父故以長子繼以爲小宗也是故繼禰之嫡諸弟宗之至二世之嫡其父之

諸弟曰叔叔之子曰同堂兄弟共宗之三世之嫡其再從伯叔兄弟共宗之四世之嫡其三從之伯叔兄弟亦共宗之舉三從而同父同堂再從之伯叔兄弟可知也是謂小宗至於五世四從兄弟視小宗之高祖爲高祖兄弟無服也故各祖其祖爲宗其得各自爲宗可也謂其爲高祖異也宗之言尊也尊無二明無二嫡也宗以五世爲限服盡也服者先王所用爲宗子聯屬族人之具也服盡則親盡親盡則廟毀故曰祖遷於上宗易於下此之謂也然自漢儒論釋紛如卒不可解孔穎達曰族人一身事四宗并大宗爲

五考諸禮經原無四宗之說假令四宗爲之宗法視子孫互有異同族人以一身事之將誰適從此決知其不能行也四宗之說起於班固固之言曰宗其爲高祖後者爲高祖宗宗其爲曾祖後者爲曾祖宗宗其爲祖後者爲祖宗宗其爲父後者爲父宗此固臆說也夫大宗以始祖爲宗小宗以高祖爲宗宗至四世族人雖各有曾祖及祖禰之親然視之高祖彼皆支子支子不爲宗得爲宗者高祖所傳之嫡而已是宗安有四乎或曰禮經所稱曰繼禰曰繼高祖何謂也曰據其初言則爲繼禰自其終言則爲繼高祖之

傳嫡下及玄孫推而上及於禰然後爲小宗者備矣
夫小宗以五世爲率五世之內雖父子祖孫相承然
世止一嫡耳序之以昭穆別之以禮義而後族人尊
之爲宗故曰宗子有君道焉如固之說則宗有四嫡
廟有二主喪有二孤土有二王甚非古者所以定名
分防僭奪之義或又曰人之族類蕃庶有高祖同而
曾祖不同者有曾祖同而祖不同者有祖同而禰不
同者吾爲嫡可以主吾曾祖之祠不可以主曾祖叔
之祠可以主祖之祠不可以主祖叔之祠可以主禰
之祠不可以主諸叔之祠謂其各有子孫也則宗安

得不分而爲四曰夫羣族之有宗子猶裘之有領也
五世之族無二宗猶裘之無二領也故嫡子可以宗
父而宗子之嫡不得爲其父宗嫡孫可以宗祖而支
子之孫不得爲其祖宗嫡之曾孫可以宗曾祖而支
子之曾孫不得爲其曾祖宗何也以義屈也服屬未
斬則尊不可貳也五服之外支之嫡始得爲宗者謂
高祖已遷也故尊其曾祖爲高祖可以自宗尊有所
伸也五世未竭則高祖在上曾祖以下皆子孫也子
孫同享高祖之廟統於尊也祭同廟享同時羣族之
兄弟同在也宗之嫡主高祖及其曾祖祖禰之獻而

兄弟各佐獻其祖禰於同堂之上是故無奪嫡之嫌
而一廟同享子孫曷常不各盡其孝思哉曰內則有
云夫婦皆齊而宗敬終事而後敢私祭若子之說庶
子無私祭乎曰此小宗事大宗之禮也小宗雖有嫡
子然要諸大宗則庶也小宗雖奉四代之祭然要諸
大宗則私也故祭先公而後私先大宗後小宗尊卑
之義也非庶子私之謂也大傳曰庶子不祭明其宗
也斯先王所以重嫡庶之分而謹偏僭之防者也曰
然則老臬宗法非歟曰洵以高曾祖禰之嫡分爲四
項是惑於四宗之說也其言曰繼高祖之嫡祈死而

無子故其宗亡而虛存繼曾祖者曾祖之嫡宗善宗
善之嫡昭圖繼祖者之嫡序序之嫡澹夫洵之曾祖
祖皆庶也高祖之嫡祈死而無子則當以祈之弟福
福之子宗叟爲宗以繼高祖應自爲其曾祖立宗旣
爲曾祖立宗則洵祖當宗宗善洵父當宗昭圖不應
復舍曾祖之嫡而又自爲其祖立宗今人孰不欲曾
祖而私禰然充洵之說是率天下亂嫡庶之分也何
者大宗之嫡通夫百世故百世之小宗宗之小宗之
嫡止夫五世故五世之羣兄弟宗之五世之內無二
嫡猶大宗也故曰大宗率小宗小宗率羣族族人之

所事者此二宗耳不然則先王之宗法也猶官多而
令頓也欲求其致理也得乎○歸有光爲公子有宗
道論曰大傳曰有小宗而無大宗者有大宗而無小
宗者有無宗亦莫之宗者公子是也公子有宗道公
子之公爲其士大夫之庶者宗其士大夫之嫡者公
子之宗道也夫公子者別子爲祖者也何以爲宗也
曰公子非宗也不爲宗而宗之道出焉公子之大宗
者公也已自別于正體爲大宗矣雖其子爲繼別之
宗猶繼禰也迨五世當遷而復不遷之宗于是乎出
未及五世猶小宗也所以謂之有小宗而無大宗也

公子雖無大宗而不可謂之非大宗之祖雖無大宗
之祖而未及乎繼禰之子所以謂之有大宗而無小
宗也公子一人焉而已無大宗是無宗也無小宗是
亦莫之宗也故曰公子非宗也非宗故謂之別子別
子故爲之祖爲之祖故公子之公爲其士大夫之庶
者宗其士大夫之嫡者而宗之道于是乎出先王之
立宗大抵因別子之嫡庶而已二世之庶宗其繼禰
者之嫡三世之庶宗其繼祖者之嫡四世之庶宗其
繼曾祖者之嫡五世之庶宗其繼高祖者之嫡而爲
小宗之道出矣六世之庶宗其繼別者之嫡而爲大

宗之道出矣小宗四大宗一併而爲五宗其變至於無窮皆自于公子故曰不爲宗而宗之道出焉也鄭氏曰公子不得宗君君命嫡昆弟爲之宗使之宗之所宗者嫡則如大宗死爲之齊衰九月其母則小君也爲其妻齊衰三月無嫡而宗庶則如小宗死爲之大功九月其母妻無服公子惟已而已則無所宗亦莫之宗是公子有此三事也鄭以此爲公子之宗道則非別子爲祖之義矣夫宗有散有合族人不得以戚君于是乎散故號別子者以之別子爲祖繼別爲宗繼禰爲小宗于是乎合故號爲宗爲小宗者以之

先王之道由祖而宗猶木之由本而爲枝也得其祖則兄弟相宗而宗之法行不得其祖則兄弟不相宗而別子之義起今使公子自相宗夫公子不得祖先君矣宗于何生日非先君之正體皆庶也而鄭又爲嫡庶之說過矣別子者宗之始也不可以亂故先王正其始正其始者正其別也魯之三桓鄭之七穆古之遺制也○正義曰諸侯之子始爲卿大夫謂之別子是嫡夫人之次子或媵妾之子別異於正君繼父言之故云別子云雖非別子始爵者亦然此事凡有數條一是別子初雖身爲大夫中間廢退至其遠世

子孫始得爵命者則以爲太祖別子不得爲太祖也
二是別子及子孫不得爵命者後世始得爵命自得
爲太祖三是全非諸侯子孫異姓爲大夫者及他國
之臣初來任爲大夫者亦得爲太祖故云雖非別子
始爵者亦然如鄭志答趙商此王制所論皆殷制故
云雖非別子亦得立太祖之廟若其周制別子始爵
其後得立別子爲太祖若非別子之後雖爲大夫但
立父祖曾祖三廟而已隨時而遷不得立始爵者爲
太祖故鄭答趙商問祭法云大夫立三廟曰考廟曰
王考廟曰皇考廟注非別子故知祖考無廟商按王

制大夫三廟一昭一穆與太祖之廟而三注云太祖
別子始爵者雖非別子始爵者亦然二者不知所定
鄭答云祭法周禮王制之云或以夏殷雜不合周制
是鄭以爲殷周之別也鄭必知周制別子之後得立
別子爲太祖者以大傳云別子爲祖繫之以姓而弗
別綴之以食而弗殊雖百世而婚姻不通者周道然
也故知別子百世不遷爲太祖也周旣如此明殷不
繫姓不綴食大傳又云其庶姓別於上而戚單于下
五世而婚姻可以通明五世之後不復繼以別子但
始爵者則得爲太祖也此大夫三廟者天子諸侯之

大夫皆同○正義又曰用大夫之牲是貴祿也宗廟在宗子之家是重宗也此宗子謂小宗也若大宗子爲士得有祖禰二廟也若庶子是宗子親弟則與宗子同祖禰得以上牲於宗子之家而祭祖禰也但庶子爲大夫得祭曾祖廟已是庶子不合自立曾祖之廟崔氏云當寄曾祖廟於宗子之家亦得以上牲宗子爲祭也若已是宗子從父庶子兄弟父之適子則於其家自立禰廟其祖及曾祖亦於宗子之家寄立之亦以上牲宗子爲祭若已是宗子從祖庶兄弟父祖之適則立祖禰廟於己家則亦寄立曾祖之廟于

宗子之家已亦供上牲宗子爲祭

宗族考卷九終

詩經類考

宗族考

古

詩經類考卷之十

明武塘沈萬鈞仲容采輯

官制考

公

什名云公貢也才德兼于人人咸貢薦于王而用之也○韋曜辨曰公直也謂其正直無私也字从八从厶八音背厶古私字背私則爲公○謚法云立制及衆曰公○王制云公侯田方百里○周官曰諸公之地方五百里其食者半又曰上公九命其國家宮室車旗衣服禮儀皆以九爲節又曰上公之禮執桓圭

九寸纁藉九寸冕服九章纁纁九就二車九乘介九人禮九牢其朝會賓主之間九十步

侯

周書曰能樹名生物與天道俱謂之侯侯能成群謂之君又謚法曰執應八方曰侯○援神契云侯候也所以守藩也○白虎通云侯者候也候順逆也○周官禮曰諸侯之地封疆方四百里其十者三之一又曰侯伯七命其國家宮室車旗衣服禮儀皆以七爲節又曰諸侯之禮執信圭七寸纁藉七寸冕服七章二車七乘介七人禮七牢朝會賓主之間七十步

伯

周禮云八命作牧九命作伯○曲禮云五官之長曰伯是職方注職主也是伯分主東西者○王制云二百一十國以爲州州有伯注云凡長皆因賢侯爲之殷之州長曰伯虞夏及周皆曰牧又曰八伯各以其屬屬于天子之老二入分天下以爲左右曰二伯○公羊傳云天子三公者何天子之相也天子之相則何以三自陝而東者周公主之自陝而西者召公主之一相處于內○名物疏按伯有五同名異職召伯之伯九命伯也有方伯則八命之牧也殷謂之州伯

有牧下二伯則左傳云五侯九伯施丘序云責衛伯者是也有伯爵則周禮七命之伯也有州里之伯內則所云州史獻諸州伯者也○周書云士率衆時作謂之伯○要略云伯把也持政事也○風俗通云伯者長也白也言其咸建五長功實明白也○王制云伯七十里○周禮云諸侯之地封疆三百里其食者參之一又云伯執躬圭其他皆如諸侯之禮

寺人

周禮寺人王之正內五人掌王之內人及女宮之政令○疏云諸侯寺人傳達君命○范蔚宗云易曰天

垂象聖人則之宦者四星在皇位之側故周禮置官亦備其數闔者守中門之禁寺人掌女宮之戒月令仲冬闔尹審門閭謹房室宦人之在王朝者其來舊矣將以其體非全氣情志專良通關中人易以役養乎○楊用修云史年表書穆公學于宁人宁人寺人也此云寺人之令言君不接羣臣但使寺人傳令秦用闔宦非一日矣○大雅召旻之昏椽箋云皆闔人也昏其官名○周禮闔人王宮每門四人掌守王宮中門之禁衽服凶器不入宮潛服賊器不入宮奇服怪民不入宮凡內人公器賓客無帥則幾其出入以

時啟閉掌掃門庭○天官酒人奄十人注云奄精氣
閉藏者漿人奄五人籩人醢人各奄一人醢人鹽人
各奄二人冪人奄一人內小臣奄上士四人寺人王
之正內五人內豎倍寺人之數地官春人饔人各奄
二人橐人奄八人春官守祧奄八人

候人

周禮候人上士一人下士一人史六人徒百有二十
人候人各掌其方之道治與其禁令以設候人若有
方治則帥而致于朝及歸送之于境○國語單襄公
云周之秩官有之曰敵國賓至關尹以告行理以節

逆之候人爲導○孔疏云身何戈殺謂作候人之徒屬非候人之官長也

田畯

什言曰畯農夫也孫炎曰農夫田官也郭璞曰今之嗇夫是也○傳云田畯田大夫疏云此官選俊人主田謂之田畯典農之大夫謂之農夫以王者尤重農事知其爵爲大夫也○按鄭注周禮載師云六遂餘地自三百里外天子使大夫治之或于田農之時特命之主其事以周禮無田畯正職故直云田畯大夫春官籥章掌擊土鼓以樂田畯鄭司農云田畯古之

先教田之官彼說祈年之祭知爲祭先教者○甫田箋云田畷司畷今之畷夫也疏云郊特牲曰蜡之祭也主先畷而祭司畷也注云先畷若神農司畷若后稷蜡者爲田報祭故知祀此二人此言田畷乃是當時主稼之人故以司畷言之與郊特牲名同實異

僕夫

曲禮云君車將駕則僕執策立于馬前已駕僕展軔效駕奮衣由右上取二綏跪乘執策分轡驅之五步而立君出就車則僕并轡授綏凡僕人之禮必授人綏若僕者降等則受不然則否若僕者降等則撫僕

之手不然則自下拘之疏云僕卽御車者也古者僕用好人爲之故孔子曰吾執御矣又云子適衛冉有僕及周禮諸僕皆用大夫士也少儀云僕於君子君子升下則授綏始乘則式君子下行然後還立○周禮太僕王出入自左御而前驅太馭掌御玉路以祀戎僕掌御戎車齊僕掌御金路以賓道僕掌御象路以朝夕燕出入田僕掌御田路以田以鄙馭夫掌馭二車從車使車○禮書曰有以同等爲之僕者有以降等爲之僕者有以弟子爲師僕者有以貴爲賤僕者禮曰若僕降等則受不然則否此同等降等者爲

僕也君命召雖賤人大夫士必自馭之此貴者爲賤人僕也論語或稱冉有僕或稱樊遲御此弟子爲師僕也

祈父

傳云祈父司馬也職掌封祈之兵甲○書云祈父薄違蔡氏云祈父逼逐違命者也○小宰云夏官其屬六十○記王制云司馬辨論官材論進士之賢者以告于王○司馬主兵古官也言馬者馬陽物乾之所爲行兵用焉不以傷害爲度故言馬也○韋昭辨什名曰古者兵車一車四馬故以馬名官訓馬爲武者

取其速行也○家語云司馬成聖注云聖通也征伐所以通天下成聖者聖功于是成也○周禮大司馬之職掌建邦國之九法以佐王平邦國制畿封國以正邦國設儀辨位以等邦國進賢興功以作邦國建牧立監以維邦國制軍詰禁以糾邦國施貢分職以任邦國簡稽鄉民以用邦國均守平則以安邦國比小事大以和邦國○以九伐之法正邦國馮弱犯寡則青之注謂削其地賊賢害民則伐之暴內凌外則壇之壇音善會諸侯野荒民散則削之負固不服則侵之賊殺其親則正之放弑其君則殘之犯令凌政

則杜之外內亂鳥獸行則滅之○正月之吉始和布政于邦國都鄙乃縣政象之法于象魏使萬民觀政象挾日而斂之乃以九畿之籍施邦國之政職○中春教振旅司馬以旗致民平列陳如戰之陳○中夏教芟舍如振旅之陳○中秋教治兵如振旅之陳○中冬教大閱如戰之陳○及師大合軍以行禁令以救無辜伐有罪若大師則掌其戒令涖大卜帥執事涖爨主及軍器及致建太常比軍衆誅後至者及戰巡陳眡事而賞罰若師有功則左執律右秉鉞以先愷樂獻于社大役與慮事屬其植受其要以待考而

賞誅大會同則率士庶子而掌其政令若大射則合

諸侯之六耦大祭祀饗食羞牲魚授其祭其屬有司

勳馬質主平馬價小子主祭祀司燿掌固國所代司險在

野日險在候人環人環猶却也主挈壺氏所以定射人

司士掌群臣之版司右勇士為車右旅賁氏以齊力節服

氏其所著服與王屬節大僕小臣大僕之屬祭僕代王御僕弁師五

官見之司兵司戈盾司弓矢繕人治弓弩矢橐人箭幹

戎右齊右克玉路金道右克集路大馭王路戎僕革

之齊僕金路道僕田僕木路馭夫二車從車校人趣

馬廋人廋也馬之所隱也職方氏主職貢土方氏主四

國之土合方氏主合同曰訓方氏主訓四形方氏主制
 邦國之形體川師與原同謂匡人主正諸侯揮人主制
 也主探王意以都司馬都謂王子弟及公卿之家司
 告天下探音貪都司馬采地也司馬主其軍賦家司
 馬家大夫之采邑也

大人

朱傳云太卜之屬占夢之官也。周禮太卜掌三夢
 之法一曰致夢二曰箝夢三曰盛陟其經運十其別
 九十以龜之八命贊三夢之占吉夢掌其歲時觀天
 地之會辨陰陽之氣以日月星辰占六夢之吉凶一
 曰正夢二曰噩夢三曰思夢四曰寤夢五曰喜夢六

曰懼夢季冬聘王夢獻吉夢于王王拜而受之乃舍
萌于四方以贈惡夢○周禮春官占夢中士二人

牧人

周禮牧人下士六人府一人史二人徒二十人注牧
人養牲于田野者

太師

太師古官大戴禮天子不論先聖王之德不知國君
畜民之道不見禮義之正不察應事之理不博古今
之典傳不閒威儀之數詩書禮樂無經學業不法凡
是其屬太師之任也○尚書孔安國注云師天子所

法也佐王論道以經緯國事有德乃堪之○鄭曉古
言云成周時六卿遷轉三公不然初太公爲太師卒
周公代之周公卒畢公代爲太師召公仍爲太保周
公爲冢宰卒召公以司空代之代冢宰而不代太師
也召公歷三朝皆太保畢公代太公爲司馬而不代
太師毛公代召公司空而不代太保蓋毛公代榮公
爲太傅康叔代太史蘇公爲司寇而不代其太史代
太史者逸也又云周時六卿以天地春夏秋冬爲序
不以所領公孤爲先後如顧命召六卿召公太保以
冢宰第一次司徒芮伯宗伯彤伯司馬太師畢公司

寇衛侯司空毛公太傅不以侯伯封爵論

卿

什名云卿慶也言萬國皆慶賴也○白虎通云卿之
爲言章也彰善明理也○應劭漢官儀云卿章也明
也言當背邪向正彰有道德也○禮記曰夏后氏始
置九卿殷亦九卿周以冢宰司徒宗伯司馬司寇司
空爲六卿○說苑云九卿者不失四時通于地理舉
于九卿

卿士

孔氏云六卿之外更爲之都官總統六官之事兼雜

言總考
官制考
九
爲名故謂之卿士。○朱傳云或曰卿士蓋卿之士周禮太宰之屬有上中下士公羊所謂宰士左氏所謂周公以蔡仲爲已卿士是也蓋以宰屬而兼總六官位卑而權重也。○左傳鄭武公莊公爲平王卿士注云卿士王卿之執政者。○伊尹曰九卿通寒暑

司徒

管子曰黃帝得祝融于南方使爲司徒之始少昊以祝鳩氏爲司徒舜命契爲司徒周禮立地官爲司徒大司徒之職卿一人掌建邦之土地之圖與其人民之數以佐王安擾邦國以天下土地之圖周知九州

之地域廣輪之數辨其山林川澤丘陵墳衍原隰之名物而辨其邦國都鄙之數制其畿疆而溝封之設其社稷之壇而樹之田主各以其野之所宜木遂以名其社與其野以土會之法辨五地之物生因此五物者民之常而施十有二教焉以土宜之法辨十有二土之名物以土均之法辨五物九等以土圭之法測土深以荒政十有二聚萬民以本俗六安萬民頒執事十有二于邦國都鄙使以登萬民以鄉三物教萬民而賓興之以鄉八刑糾萬民以五禮防萬民之僞而教之中以六樂防萬民之情而教之和大軍旅

大田役以旗致萬民而治其徒庶之政令其屬有鄉
師鄉大夫州長黨正族師閭胥封人舞師牧人牛人
充人載師閭師縣師遺人均人師氏保氏司諫司救
調人媒氏司市質人廛人胥師賈師司聽音暴司稽肆
長泉府司門司關掌節遂人遂師遂大夫縣正鄙師
委人土均草人稻人土訓田虞川衡澤虞音礦人角
人羽人廩人舍人倉人司稼○禮記云司徒修六禮
以節民性明七教以興民德齊八政以防淫一道德
以同俗養耆老以致孝恤孤獨以逮不足上賢以崇
德簡不肖以紂惡○尚書云百姓不親五品不遜汝

作司徒敬敷五教在寬又曰司徒掌邦教敷五典擾
兆民○韓詩外傳云君臣不正人道不和國多盜賊
人怨其上則責之司徒○家語云司徒之官以成德
地宜不殖財物不蕃萬民饑寒教訓不行風俗淫僻
人民流散曰危危則飭司徒

冢宰

冢宰掌建邦之六典以佐王治邦國以八法治官府
以八則治都鄙以八柄詔王馭群臣以八統詔王馭
萬民以九職任萬民以九賦歛財賄以九式均節財
用以九貢致邦國之用以九兩繫邦國之民其屬有

小宰宰夫宮正宮伯繕夫庖人內饗外饗甸師獸人
獻同漁人鱉人腊人醫師食醫疾醫瘍醫酒正酒人漿
人凌人籩人醢人醯人醢人鬻人宮人掌舍幕人掌
次大府玉府內府外府司會司書職內職歲職幣司
裘掌皮內宰內小臣闈人寺人內豎九嬪世婦女祝
女史典婦功典絲典枲內司服縫人染人追師履人
○書云冢宰掌邦治統百官均四海○作大事則戒
于百官贊王命王眡朝則贊聽治眡四方之聽朝亦
如之歲終令百官府各正其治受其會聽其致事而
詔王廢置三歲則大計群吏之治而誅賞之○家語

云冢宰之官以成道官屬不理分職不明法政不一
百事失紀曰亂亂則飭冢宰○齊職儀云堯命羲和
主陰陽之職即天官也后稷服事虞夏敬授民時尊
稷為天官殷以其官為冢宰周公在豐為太宰召公
又居之

膳夫

膳夫上士二人中士四人下士八人掌王之食飲膳

羞食飯也飲酒漿也糈牲肉也羞庶羞也以養王及后世子凡王之饋

進用六穀黍稷稻粱苽麥膳用六牲馬牛羊豕犬鷄飲用六清水漿醴醢

醢醬羞用百有二十品出于牲及禽珍用八物淳熬淳母

手... 頁... 三

炮豚炮牂燂醬用百有二十甗醢六十王日一舉朝

珍漬熬用骨鼎十有二牢鼎九陪鼎三物皆有俎物謂牢鼎之

以樂侑食膳夫受祭品嘗食王乃食卒食以樂徹于

造造謂造王齊日三舉齊謂散齊致齊也齊必變食故特加二舉大喪則

不舉大荒則不舉大札疫則不舉天地有灾則不舉

如日月薄蝕山崩川澗也邦有大故則不舉如寇戎王燕食謂日中與

飲燕則奉膳贊祭燕食則其祭不如朝食凡王祭祀

賓客食則徹王之胾俎凡王之稍事有小事設薦脯

醢王燕飲酒則為獻主代王酌掌后及世子之膳羞

凡肉羞之頒賜皆掌之歲終則會唯王及世子之膳

不會

內史

內史中大夫一人

猶今之內制即翰林之職也

掌主之八枋之法

枋與柄同

以詔王治一曰爵二曰祿三曰廢四曰置五曰

殺六曰生七曰予八曰奪執國法及國貳之令

道上以道制

而下守之為法上以命使而下稟之為令

以考政事以逆會計掌叙事之

法謂事治之先後受納訪以詔王聽治凡命諸侯及孤卿大

夫則策命之凡四方之事書

四方諸侯以書奏事于王

內史讀之

王制祿則贊為之以方出之

書其辭于方版而出示之

賞賜亦如

之內史掌書五命遂貳之

又書副本而藏之待考也

○內史即唐

虞之納言後世之尚書所謂王之喉舌是也李固云
陛下之有尚書猶天之有北斗北斗爲天喉舌尚書
亦爲陛下喉舌斗斟酌元氣運平四時尚書亦納王
命賦政四海○漢書韋彪疏曰欲急民所務當先除
其患其原在尚書典樞機天下事一皆決之不可不
察○天文志斗魁六星曰文昌宮荀綽云尚書是謂
文昌天府也○家語子曰天子以內史爲左右手

趣馬

趣馬下士阜一人掌贊正良馬

贊助校人而正馬之弗良者

而齊

其飲食簡其六節

所以閑之以辨六馬之等

掌駕說之頒

駕以行說以止

有勞逸之節辨四時之居治居謂牧鹿所處之宜以治謂執駒攻特之屬以聽馭夫

師氏

師氏中大夫一人掌以媿詔王美音以三德教國子一

曰至德以為道本二曰敏德以為行本三曰孝行以

知逆惡教三行一曰孝行以親父母二曰友行以尊

賢良三曰順行以事師長居虎門之左天子路寢之門畫虎以明

勇司王朝王日視朝于路寢門外掌國中失之事中

禮者失以教國弟子凡國之貴遊子弟學焉凡祭祀

賓客會同軍旅王舉則從聽治亦如之使其屬帥四

夷之隸各以其兵服守王之門外且蹕朝在野外則
守內列

大夫

白虎通云大夫大扶進人者也故傳曰進賢達能謂
之大夫也大夫有上下何明卑者多也爵皆一字大
夫獨兩字何春秋傳曰大夫無遂事以爲大夫職在
之適四方受君之法施之於民故獨兩字言之○易
卦通驗云君有五期輔有三名公卿大夫政教君臣
起自人皇之世伏羲因之○說苑伊尹對湯曰大夫
者所以參九卿也○儀禮說云上大夫卿也國家有

三卿五大夫

正大夫

箋云正長也長官之大夫○王荆公云周官八職一曰正六官之長是也○周禮宰夫掌百官府之徵令辨其八職一曰正掌官法以治要○賈公彥曰正長也六卿下各有屬六十故六卿稱正也云掌官法者掌當官之法也以治要者要謂大計要也

三事大夫

疏云鄭言三公以經三事大夫爲三公也○朱傳云三事三公也大夫六卿及中下大夫也○周官太宰

大司徒大宗伯大司馬大司寇卿參官小宰司會小
司徒州長師氏遂人遂大夫小宗伯大司樂內史小
司馬戎右大馭戎僕校人職方事小司寇大行人中
大夫宰夫太府內宰鄉師黨正保氏司市司門遂師
縣正廩人肆師冢人墓大夫樂師太師太卜大祝太
史內史巾車軍司馬射人司士諸子虎賁氏太僕司
甲司弓矢齊右齊僕士師小行人下大夫○周禮諸
侯三卿司徒司馬司空大夫五人謂司徒下二大夫
一大夫爲司徒大夫一大夫爲太宰大夫司空下二
大夫一大夫主司徒事一大夫爲司空大夫司馬事

省缺一大夫故五人親王子弟食邑與三公同在五百里置地各百里其次疏者在四百里縣地各五十里與六卿同二者得立兩卿五大夫六卿雖尊位在天子下故屈而立兩卿不足於諸侯其次更疏者在五百里稍地各食二十五里與大夫同不得立兩卿五大夫亦職相兼也○後漢書云三公上則台階下象山岳○尚書曰立太師太傅太保茲惟三公論道經邦燮理陰陽官不必備惟其人○周禮曰面三槐三公位焉○晉書曰三台六星兩兩而居起文昌列抵太微一曰天柱三公之位也主開德宣符○環濟

要略云三公者太師太傅太保也師王所尊也傅助
王事保保王身也凡此皆內與王論道中參六官之
事三公者象鼎足共承其上也○鹽鐵論云天設三
光以照記天子立公卿以明治故曰公卿者四海之
表儀神化之丹青也○宋書曰三公訓護人主導以
德義天子加拜待以不臣之禮非人則闕○尚書大
傳曰古者天子三公每一公三卿佐之每一卿三大
夫佐之每一大夫三元士佐之○春秋漢舍孽云三
公象五岳九卿法河海二十七大夫法山陵六韜云
廿七大夫者爲筋脉之臣○周六官卽虞九官也周

六官之外有師傅保而虞無之保傳有官乃家天下
之後多爲孺子王而設也

祝

祝史郊特牲曰祝將命也注云用傳主人之命于神
也○大祝掌六祝之辭以事鬼神示祈福祥求永貞
一曰順祝二曰年祝三曰吉祝四曰化祝五曰瑞祝
六曰筴祝注云順豐年也年大有年也永歷年也貞
正命也吉祈福祿也化弭災兵也筴遠罪戾也○禮
運云祝以孝告嘏以慈告是謂大祥注云祝告嘏告
各首其義也祥善也○掌六祈以同鬼神示一曰類

二曰造三曰禋四曰禘五曰攻六曰說○作六辭以
通上下親疎遠近一曰祠二曰命三曰誥四曰會五
曰禱六曰誅○辨六號一曰神號二曰鬼號三曰示
號四曰牲號五曰齎號六曰幣號注號謂尊其名也
爲美稱焉○辨九祭一曰命祭二曰衍祭三曰炮祭
四曰周祭五曰振祭六曰掃祭七曰絕祭八曰繚祭
九曰共祭○辨九拜又云小祝掌小祭祀將事候禳
禱祠之祝號以祈福祥順豐年逆時雨寧風旱弭災
兵遠臯疾○掌凡大祭祀逆齎盛送逆尸沃尸盥贊
隋贊徹贊奠凡事佐大祝喪祝掌喪祭之祝號旬祝

掌表貉之祝號詛祝掌盟詛攻說禴祭之祝號○儀禮士喪既夕有夏祝商祝士虞特牲饋食少牢饋食皆有祝

監

朱子云監史司正之屬燕禮鄉射恐有解倦失禮者立司正以監之察儀法也○鄉飲酒禮鄉射禮曰作相爲司正燕禮曰射人爲司正大射曰擯者遂爲司正史

呂東萊云淳于髡說齊威王曰賜酒大王之前執法在旁御史在後此人君燕飲之制猶存于戰國者也

立之監卽執法也鄉射注所謂立司正以監察儀法者也佐之史卽御史也董氏所謂佐之史以書之者也○周禮太史掌建邦之六典小史掌邦國之志內史讀四方之事書掌書王命外史掌書外令達書名于四方御史掌邦國都鄙及萬民之治令以贊冢宰掌贊書凡數從政者○禮記云史載筆士載言又云動則左史書之言則右史書之○大戴禮云太子旣冠成人免于保傅則有司過之史○韓詩外傳云據法守職而不敢爲非者太史令也○左傳云君舉必書書而不法後嗣何觀○史通云古者言爲尚書事

春秋左右二史分司其職昔軒轅受命倉頡沮誦
實居其官○曲禮曰史載筆大事書之于策小事簡
牘而已至于諸侯列國亦各有史官

司空

尚書僉曰伯禹作司空帝曰俞咨禹女平水土○禮
記云司空執度地量地遠近與事任力○元命苞
云危東六星兩兩而比曰司空主水○書大傳云溝
瀆壅遏水爲民害田廣不壅則責之司空○漢官解
詁云下理埤道上和乾光謂之司空○史記司空古
官也少昊以鴈鳩氏爲司空舜典曰伯益作司空至

周始以司空爲冬官掌邦土居四民時地利而專掌
度地居民量地制邑焉其屬有函人爲甲弓人爲弓
矢人爲矢桃氏爲劔廬人爲廬司空主土不言土言
空者空尚主之何況于實以微見著也○家語注云
司空事官也禮非事不立故司空之官所以成禮也
度量不審舉事失禮都鄙不修財物失所曰貧貧則
飭司空○冬官考工記鄭注云司空掌營城郭建都
邑立社稷宗廟造宮室車服器械監百工唐虞以上
曰共工○通典云司空爲冬官掌邦事凡營城起邑
復溝洫修墳防之事則議其利建其功四方水土功

課歲課歲盡則奏其殿最而行賞罰凡國有大造大疑諫諍與大尉同○孔安國曰司空主穿土以居人空穴也古者穿土爲穴以居人○古今通語曰使國無枉法治錯刑清事均民聚者謂之司空

太保

太保古官保養也○賈誼新書曰天子處位不端受業不敬教誨諷誦詩禮不經不法言語不序聲音不中律進退節度無禮升降揖遜無容周旋俯仰視瞻無儀安顧咳唾趨行不得聲色不比順隱琴曳瑟凡此其屬太保之任也○應劭漢官云太保謂保安天

子于德義禮記云保也者慎其身以輔翼之而歸諸道也○周禮保氏掌諫王惡注云以禮義正之也○大戴禮曰天子無愆于父母不惠于庶人無禮于大臣不中于制獄無經于百官不衰于喪不敬于祭不信于諸侯不誠于戎事不誠于賞罰不厚于德不強于行不從太師之言凡是之屬太傅之任也天子處位不端受業不敬言語不序聲音不中律進退陞降不以禮俯仰周旋不中節凡此之屬太保之任也

保介

箋云保介車右也○月令孟春天子親載耒耜措之

於參保介之御間躬耕帝籍注云保介車右也人君之車必使勇士衣甲居右而參乘備非常也保猶衣也介甲也○呂氏春秋注云保介副也載耒耜致于保介之間施用之○朱傳云蓋農官之副也○名物疏按周禮田僕掌馭田路以田以鄙○鄭氏曰鄙巡行縣鄙然則耕籍於郊蓋木路矣周禮夏官有戎右齊右道右而無木路之右鄭氏云戎路之右田獵亦爲之右焉此保介卽戎右也高誘惟云副也朱子增成其義曰農官之副然未見確然也

庶士

周禮上士一千一百三十三人中士四千五百三十
六人下士一萬九千二百九人○王制云諸侯之上
大夫卿下大夫上士中士下士凡五等○說苑伊尹
曰列士所以參大夫也○周書曰胄子成人能治上
官謂之士○白虎通曰士者事也任事之稱故傳曰
古今辨然否謂之士天子之士獨稱元士何士賤不
得稱元之尊故加元以別諸侯之士

阿衡

箋云阿倚衡平也伊尹湯所依倚而取平故以爲官
名○書君奭曰在昔成湯有若伊尹格于皇天在太

甲寺則有若保衡格于上帝注云伊尹湯以爲阿衡
太甲改曰保衡阿衡保衡皆公官

官制考卷十終

詩經類考

官制考

七

詩經類考卷之十

明武塘沈萬鈞仲容采輯

飲食考

酒

說文云酒就也所以就人性之善惡也一曰造也吉
凶所起造也○釋名云酒酉也釀之米麴酉澤久而
味美也○世本云儀狄始作酒醪變五味○少康作
秫酒○飲奄也以口奄而飲咽之也麴柯也鬱之使
生衣朽敗也孽缺也漬麥覆之使生芽缺也醪酒母
也醴酒一宿熟也醪汁滓酒也酎三重醇酒也醕薄

酒也醕厚酒也醕昔縮酒也酒之清者曰驟清而甜者曰醕濁者曰醕濁而微清曰醕厚者曰醇亦曰醕重釀者曰耐甜而一宿熟者曰醕美者曰醕苦者曰醕紅者曰醕綠者曰醕白者曰醕○周禮酒正掌酒之政令以式法授酒材辨五齊之名一曰泛齊成而有滓二曰醕齊始成體三曰盎齊慈白色四曰緹齊音體成而紅五曰沈齊清以節度言之故曰齊辨三酒之物一曰事酒酌者有二曰昔酒白三曰清酒辨四飲之物一曰清醕酌者有二曰醫以醕為醕地粥也三曰漿四曰醕共王之四飲三酒之饌及后世子之飲與其酒凡祭祀以法共五

齊三酒以實八尊共賓客之禮酒其后致飲于賓客
之禮鑿醕糟凡王之燕飲酒其其計凡饗士庶子耆
老孤子皆共其酒酒人掌爲五齊三酒漿人掌共王
之六飲水漿醴涼寒醫醕司尊彝云凡六尊之酌鬱
齊獻酌醴齊縮酌盎齊沬酌凡酒修酌注云凡酒謂
三酒也四者灌用鬱齊朝用醴齊饋用盎齊諸臣自
酌用凡酒○月令云仲冬之月必命大酋秫稻必齊
麴蘖必時湛熾必潔水泉必香陶器必良火齊必得
兼用六物大酋監之母有差貸注湛漬而滌之也熾
蒸炊也曲禮曰祭宗廟酒曰清酌禮運曰玄酒在室

醴醢在戶，粢醢在堂，澄酒在下，郊特牲云：酒醴之美。玄酒明水之尚貴，五味之本也。縮酌用茅，明酌也。醴酒泂于清，汁獻泂于醴，酒射義云：酒者所以養老也。所以養病也。玉藻云：君子之飲酒也，受一爵而色酒如也。二爵而言言，斯禮已三爵而油，油以退。○春秋緯云：凡黍爲酒，陽據陰乃能動，故以麥釀黍爲酒，注麥陰也。先漬麴黍後入，故曰陽相感，皆據陰也。相得而沸是其動也。○尚書酒誥曰：文王告教小子，有正有事，無彝酒。越庶國飲惟祀，德將無醉。○夫飲之禮不脫屣而卽序者，謂之禮。跣而上坐者，謂之宴。能飲

者飲之不能飲者已謂之醜齊顏色均衆寡謂之沈
閉門不出者謂之澗初學記○漢書酒者天之美祥
○王莽詔書酒者百藥之長嘉會之好○春秋緯云
酒者乳也王者法酒旗以有政施天乳以哺人○禮
記云殷尚醴周尚酒孔疏云殷人稍文故用醴周人
轉文故用酒此皆其時之用耳○又云飲酒之節朝
不廢朝暮不廢夕

豳風春酒

疏周禮清酒注云今之中山冬釀接夏而成者然則
春酒卽彼三酒之中清酒也

有酒酤我

毛傳云酤一宿酒也○酒經云空乘穢飲醞以稷麥以成醇醪酒之始也烏梅女蕊甜醪九投澄清百品酒之終也○楚詞云四酎并熟不澀嗟只清馨凍飲不歡役只吳醴白蘂和楚瀝只○張衡南都賦云酒則九醞十旬無清醪敷徑寸浮蟻若萍其甘不爽醉而不醒○曹植酒賦云或秋藏冬發或春醞夏成或雲沸潮湧或素醴浮萍○抱朴子云黃帝酒泉法以麴米和藥成丹一斗酒內一升水藏之千歲其味常好○神仙服食經云採南燭草煮其汁爲酒碧瑛五

色服之通神○南嶽夫人傳云夫人在王屋山王子喬等降夫人設瓊蘇絳酒○列仙傳云安期先生與神女會園丘酣玄碧之香酒○酒有若下謂烏程也九醞謂宜城也千日中山也蒲桃西京也竹葉豫北也土窟春滎陽也石凍春富平也燒春劍南也棗落陝右也烏孫國有青田核莫知其木與實而核如五六升瓠空之盛水俄而成酒名青田壺○贊夏亦酒名也○遜頓國有酒樹似安石榴采花汁停甕中數日成酒瑤琨去玉門九萬里有碧草如麥割之以釀酒則味如醇酎飲三合三旬不醒飲甜溪水隨飲而

醒○劉白墮夏月以酒暴日中可攜千里○神異經云西北荒中有王饋之酒酒泉注焉廣一丈長深三丈酒美如肉澄清如鏡上有玉尊玉邊取一尊則一尊復生焉與天地同休無乾時石邊有脯焉味如獐鹿脯飲此酒人不死長生○楊孚異物志云文草作酒其味甚美土人以金買草不言貴也○十洲記瀛州有玉膏如酒味名曰玉酒飲數升令人長生

食

說文云食一米也从皀皮及反人音集聲○周書云黃帝始蒸穀爲飯烹穀爲粥○周禮膳夫王食用六穀食

醫掌和王之六食○禮記云食養陰氣也又云食齊
視春時羹齊視夏時醬齊視秋時飲齊視冬時○釋
名云食植也所以自生殖也○古史考云神農時人
方食穀加米于燒石之上而食之黃帝時始有釜餽
火食之道成矣○呂氏春秋曰飯之美者玄山之禾
不周之粟陽山之稌南海之秬闕澤九章曰粟飯五
十糲飯七十稗飯五十鑿飯四十八御飯四十二

祭

傳云祭餐也諸侯入爲天子卿士食采祿○周禮疏
云載師家邑任稍地則大夫之采也小都任縣地則

六卿之采也大都任曷地則三公之采也古者祿皆
月別給之若今月奉○爾雅云粢餐郭璞曰今河北
人呼食爲粢○朱傳或曰粢粟之精粢者○說文云
稻重一石音石爲粟二十斗爲米十斗曰穀音毀爲米六
斗大半斗爲粢

飧

傳云熟食曰飧○周禮掌客云上公飧五牢食四十
簋十豆四十鉶四十有二壺四十鼎簋十有二牲三
十有六皆陳侯伯飧四牢食三十有二簋八豆三十
有二鉶二十有八壺三十有二鼎簋十有二腥二十

有七皆陳子男殮三牢食二十有四簋六豆二十有四
四銅十有八壺二十有四鼎簋十有二牲十有八皆
陳凡介行人宰史皆有殮以其爵等爲之禮注云殮
客始至致小禮也小曰殮大曰饗餼○聘禮云宰夫
朝服設殮飪一牢在西鼎九羞鼎三牲一牢在東鼎
七堂上之饌八西夾六門外米禾皆二十車薪芻倍
禾上介飪一牢在西鼎七羞鼎三堂上之饌六門外
米禾皆十車薪芻倍禾衆介皆少牢○箋云殮讀如
魚殮之殮○說文殮舖也從夕食○字林云水澆飯
也○韻會注云人旦則食飯夕則食殮殮爲飯別名

○釋名云殮散也投水于中解散也○名物疏按鄭志答張逸云禮殮饗太多非可素故易傳然說文云水澆飯左傳僖負羈饋盤殮趙衰以壺殮從餒而不食未始非熟食也不知鄭何見定以熟食爲牢禮之殮耳

鹽

疏云鹽與蠱字異義同左傳云於文四蟲爲蠱穀之飛亦爲蠱然則蠱害器敗穀者皆謂之蠱是鹽爲不攻牢董氏云說文煮海爲鹽煮池爲鹽故安邑之出爲鹽苦而易敗故傳以不堅訓之○戴氏鼠璞云西

漢中食貨志猗頓用鹽鹽注鹽鹽池也於鹽造鹽故
鹽音古采薇注靡鹽謂鹽不攻緻也周禮鹽人共其
苦鹽杜子春讀爲鹽謂鹽鹽直用不練治益海鹽練
治難壞池鹽出水卽成其鹽易壞也

餈

爾雅養音非餈食也○說文餈乾食也○釋名云餈候
也候人饑者以食之也

餈

說文餈酒食也或从肥音夷或从米○周禮饌餈人掌
凡祭祀共盛○儀禮主婦視餈饔于西堂下注云視

黍稷曰饔

飲

禮記云飲養陽氣也○周禮膳夫王飲用六清食醫
掌和王之六飲酒正辨四飲清醫漿醑漿人掌共王
之六飲水漿醑涼醫醑凡飲共之○內則飲重醑稻
醑清糟黍醑清糟梁醑清糟或以醑爲醑黍醑漿水

醑音倚濫

膾

釋名云膾會也細切肉令散分其赤白異切之已乃
會合和之也○禮記云進食之禮膾炙處外又云牛

膾羊炙魚膾芥醬大夫燕食有膾無脯有脯無膾膾
春用葱秋用芥肉腥細者爲膾大者爲軒又云牛與
羊魚之腥聶而切之爲膾麋鹿爲菹野豕爲軒皆聶
而不切醬爲辟雞兔爲宛脾皆聶而切之切葱若菹
實之醢以柔之陳氏云聶而切之者謂先聶爲大臠
而後報切之爲膾也

醴

周禮酒正辨五齊之名二曰醴齊注云醴猶體也成
而汁滓相將如今恬酒矣○明堂位云殷尚醴周尚
酒殷人稍文故用醴周人轉文故用酒此皆其時之

用耳○韓詩說云醴甜而不泆也○說文曰酒一宿熟也○孔疏云醴不可專飲天子於羣臣不徒設醴而已此言酌醴者左傳天子饗諸侯每言饗醴命之宥是饗醴者天子飲酒之敬故舉醴言之也

饗

說文熟食也○周禮內饗外饗鄭云饗割烹煎和之稱○儀禮雍人概鼎七俎于雍鄭注云雍人掌割烹之事者

𩚑

說文肴啖也徐錯曰謂已修庖之可食也○什文云

熟肉有骨曰殽大臠曰胾○曲禮云進食之禮左殽
右胾○箋云凡非穀而食之曰殽

漿

什名云漿將也飲之寒温多少與體相將順也○周
禮酒正辨四飲之物三曰漿注漿今之醖漿疏此漿
亦是酒類漿人掌共王之六飲水漿醴涼醫醢人于
酒府○禮記進食之禮酒漿處右又云飲漿水醴蓋
注云漿酢醖○管子云左酒右漿○素問曰今時之
人以酒爲漿以妄爲常

燔

傳云燔取胙管○禮器云君親制祭夫人薦葢注親
制祭謂朝事進血管時郊特牲云取胙管燔燎升首
報陽也祭義云祭之日君牽牲既入廟門麗于碑鸞
刀以割取胙管乃退燔祭注云胙管血與腸間脂也
又云建設朝事燔燎羶膻見以蕭光以報氣也此教
衆反始也○笈云燔燔肉也疏云燔者火烧之名難
熟者近、又肉燔也亦爲鬻貫之以炙于火并炮燒
之也○十虞主婦亞獻尸賓以燔從獻祝佐食皆如
初賓長三獻燔從如初犧特牲饋食主婦亞獻尸兄
長以燔從尸受振祭噉之反之羞燔者受加于所

出獻祝燔從如初儀賓三獻燔從如初有司徹云次
賓羞羊燔豕燔○周禮量人凡祭祀饗賓掌其從獻
肺燔之數量

炙

傳云炙肉也疏云傳以炙爲炙肉則是薦俎非從獻
也○箋云肝肝炙也疏云炙者遠火之稱易熟者遠
之故炙肝也○士虞主人酌尸賓長以肝從實于俎
縮用鹽特牲云主人洗角升酌酌尸賓長以肝從尸
取肝許志換反于鹽振祭瘠之加于菹豆獻祝以肝從
主婦致爵于主人肝從燔亦如之主人致爵于主婦

宗婦薦豆俎從獻皆如主人少牢禮主人醑尸賓長羞牢肝縮進末獻祝羞牢肝

菹

什名云菹阻也生釀之遂使阻于寒溫之間不得爛也○聲數云菹藏菜也○周禮云醢人掌其五齊七菹○說文云酢菜也○周禮醢人掌四豆之實王舉其醢以七菹實之○記云恒豆之菹水草之和氣○疏周禮場人祭祀供果蔬是祭必有瓜菹醢人豆實無瓜菹者文不具○采蔡傳云公侯夫人執蔡○醢人職云嘉豆之實芹菹兔醢沈蒲醢醢箔菹雁醢筍

菹魚醢○文王嗜菹菹

清酒

箋云清謂玄酒也酒鬱鬯五齊三酒也朱傳云清酒
清潔之酒鬱鬯之屬也孔疏云以周禮言之裸獻所
用則鬱鬯與醴齊三酒之清酒卑于五齊諸臣之所
酢不用之以獻神○儀禮特牲云壺禁在東序尊于
戶東玄酒在西又尊兩壺于階東西方亦如之少牢
云尊兩甒于房戶之間甒有玄酒○禮記禮也者反
古修古不忘其初者也醴酒之用玄酒之尚又云玄
酒在室疏云玄酒謂水也以其色黑謂之玄大古無

酒此水當酒所用貴重古物陳設之在于室內而近
北○周禮鬱人掌裸器凡祭祀賓客之裸事和鬱
以實彝而陳之凡裸事沃盥鬯人掌其鬯秬而飾之
凡王之齋事其其秬鬯大宗伯凡祭大神享大鬼祭
大示涖玉鬯肆師祭之日及果築鬻鄭司農云築煮
築香草煮以爲鬯鄭玄云鬱鬱金香草宜以和鬯
釀秬爲酒芬香條暢于上下也秬如黑黍一桴二米
○禮記云諸侯未賜圭瓚資鬯于天子又云周人尚
臭鬱合臭臭陰達于淵泉灌以圭璋用玉氣也又云
暢曰以柶杵以梧又云天子親耕粢盛秬鬯以事上

帝又云加以鬱鬯以報鬼也○玉度記云天子以鬯
諸侯以熏大夫以蘭芝士以蕭庶人以艾○毛氏云
九命錫圭瓚秬鬯○說文云鬱十葉爲貫百廿貫築
以煮之爲鬱一曰鬱鬯百草之華遠方鬱人所貢芳
草合釀之以降神鬱今鬱林郡也鬯以秬釀鬱草芬
芳攸服以降神也从口口器也中象米米所以扱之
易曰不喪匕鬯○魏略云鬱金生大秦國○陳藏器
云其花十二葉爲百草之英二月三月有花狀如紅
藍四月五月採花卽香也○本草圖經云四月初生
苗似薑黃花白質紅末秋出莖心無實根黃赤○周

禮酒正凡祭祀以共五齊三酒以實八尊大祭三貳
中祭再貳小祭一貳皆有酌數惟齊酒不貳皆有器
量酒人掌爲五齊三酒祭祀則共奉之以役世婦○
禮書云濁莫如五齊清莫如三酒祭祀有五齊清莫
如三酒祭祀有五齊以禋事之也有三酒以人養之
也鄭氏以祫備五齊禘備四齊祭備二齊朝用醴齊
饋用盎齊諸臣自酢用凡酒然記曰夫人薦盎則醴
以上君所酌盎以下夫人所酌而無君饋薦盎之禮
矣酒正曰凡祭祀以五齊三酒實八尊則中祭小祭
皆備五齊矣

齊

周禮甸師掌帥其屬而耕耨王籍以時入之以供粢
盛注云粢稷也爲穀長是以名在器曰盛又云九嬪
凡祭祀贊玉盞廩人大祭祀則共接盛舍人祭祀共
簠簋實之陳之春人祭祀共盞盛之米饌人掌凡祭
祀共盛大宗伯凡祀享祭奉玉盞小宗伯辨六齊之
名物與其用使六官之人共奉之注云黍稷稻粱麥
苽又云祭之日逆盞省饌肆師祭之日表粢盛告潔
大祝辨盞號○禮記云黍曰薌合梁曰薌其稷曰明
粢稻曰嘉蔬又云季秋乃命冢宰農事備收舉五穀

之要藏帝籍之收于神倉又云惟社丘乘共粢盛又云天子爲籍千畝諸侯百畝以爲醴酪粢盛又云八簋之實○左傳云粢食不鑿昭其儉也又云奉盛以告曰潔粢豐盛謂其三時不害而民和年豐也穀梁傳云三宮米而藏諸御廩公羊曰周公盛魯公壽羣公廩○國語曰廩于籍之東南鍾而藏之又云天子郊禘之事王后必自舂其粢諸侯宗廟之事夫人必自舂其盛

核

天官籩人饋食之籩其實棗栗桃乾榛榛實

飴

內則云棗栗飴蜜以甘之○什文曰飴飴也○方言云飴謂之張皇飴謂之餒音該謂之饴○說文云飴米蘖煎也飴和餒蘇簡反者也○什名云飴小弱于飴形怡怡然也

醢醢

周禮醢人職女醢二十人謂女奴眊醢者○爾雅云肉謂之醢有骨者謂之醢○什名云醢海也冥也封塗使密冥乃成也醢多汁者曰醢醢潘也宋魯人皆謂汁為潘○公食大夫禮云韭菹以東醢醢聘禮饗

堂上八豆其南醢醢屈西夾六豆其東醢醢屈醢醢
百甕少牢禮韭菹醢醢坐奠于筵前○周禮醢人掌
四豆之實朝事之豆其實韭菹醢醢深蒲醢醢王舉
則共醢六十甕以五齊七醢七菹三醢實之賓客之
禮共醢五十甕凡事共醢鄭注云醢肉汁也作醢及
醢者先膊乾其肉乃後莖之雜以梁麩及鹽漬以美
酒塗置瓶中百日卽成矣掌客上公饗餼醢醢百二
十甕侯伯百甕子男八十甕○禮記云恒豆之菹水
草之和氣也其醢陸產之物也加豆陸產也其醢水
物也注云此謂諸侯也與天子之豆有錯雜○禮記

外傳云醢有陸產有水物天地陰陽之氣所生○四
民月令云五月一日可作醢

脾 臄

說文云土藏也徐曰脾裨也在胃下裨助胃氣主化
物○月令春祭先脾○尚書歐陽說脾土也古尚書
說脾木也○臄傳云函也○通俗文云口上曰臄口
下曰函

脯

什名云脯搏也乾燥相搏著也修縮也乾燥而縮也
○周禮膳夫凡王之稍事設薦脯醢腊人掌乾肉凡

田獸之脯腊臠胖之事凡祭祀共豆脯薦脯臠胖凡

腊物賓客喪紀共其脯腊注云薄析曰臠捶之而施

薑桂曰暇丁喚反修腊小物全乾○儀禮曰鄉飲酒主

人立於西階東薦脯使行出祖什較祭脯士冠賓東

面薦脯○曲禮云以脯脩置者左胸音劬右末祭宗廟

脯曰尹祭婦人之摯脯修內則牛修鹿脯田豕脯麋

脯麇脯大夫燕食有膾無脯有脯無膾郊特牲云大

饗尚臠修而已矣少儀云其以束修賜人若獻人則

執修以將命○禮書云膳夫凡王之稍食則脯醢冠

禮醢則脯醢喪禮小斂特豚脯醢以脯醢之于魚腊

菹爲輕故也大饗尚服修以禮賓冠禮取脯以見母
婚禮賓取脯授從者燕禮賓執脯賜鍾人又婚禮婦
摯服脯以見姑學者束修以見師以脯之于禮爲重
故也用之於前則冠禮始醮再醮之類是也羞之於
後則遷人加籩之實栗脯是也脯體之直謂之脰士
虞脯四脰鄉飲禮薦脯五脰是也脰亦謂之臠音鄉
射禮薦腊用籩五臠臠長尺二寸是也○盧湛祭法
春祠用脯夏用醢脯○穀梁傳云束修之肉不行境
中注曰束修脯也○東方朔傳云濕肉爲膾乾肉爲
脯乾肉而薄切也

積

箋云乃有積委○周禮大司徒大賓客令野修道委積小司徒小賓客令野修道委積遺人掌邦之委積以養老孤郊里之委積以待賓客野都之委積以待羈旅縣都之委積以待凶荒凡賓客會同師役掌其道路之委積凡國野之道路室有委候館有積注云委積者廩人倉人計九穀之數足國用以其餘共之少曰委多曰積遂人凡賓客令野修道而委積遂師賓客庀其委積廩人以歲之上下數邦用凡邦有會同師役之事則治其糧與其食倉人凡國之大事共

道路之委積掌訝賓客至戒官修委積

饘饘

傳云饘饘音也也○什言云饘音分饘稔也孫炎曰蒸之曰饘均之曰饘郭璞曰今呼糞音羞飯為饘饘熟為饘○說文云饘一蒸米也饘飯氣流也○什名云饘分也衆粒各自分也饘音分半蒸飯也○春秋運斗樞曰粟五變以陽化生而為苗秀為禾三變而粢為粟四變入白米出甲五變而蒸飯可食

羹

爾雅云肉謂之羹○廣雅云羹謂之滑○什名云羹

汪也汁汪郎也○天官亨人祭祀共大羹鉶羹賓客亦如之疏云大羹肉消盛于登謂太古之羹不調以鹽菜及五味鉶羹是陪鼎腳臠腕調以五味盛于鉶器謂之鉶羹若盛于豆卽謂之庶羞卽公食大夫十六豆也○公食大夫記云鉶毛牛蘘羊苦豕薇皆有滑土虞記云鉶毛用苦若薇有滑夏用葵冬用苴○曲禮云進食之禮羹居人之右毋嚙音羹毋絮羹羹之有菜者用挾音禮運云退而合亨實其鉶羹禮器云納牲詔于庭血毛詔于室羹定詔于堂郊特牲云太羹不和貴其質也內則云膳腳臠腕食雉羹麥食

脯羹雞羹折稌犬羹兔羹和糝不蓼凡羹齊視夏時
士不貳羹載鵠羹雞羹醲之蓼羹食自諸侯以下至
于庶人無等玉藻云子卯稷食菜羹○毛詩義問云
鉶羹有菜鹽豉其中菜爲其形象可食因以鉶爲名
○朱子云鄉飲酒禮鄉射禮燕禮大射儀公食大夫
禮少牢饋食禮皆曰羹定葢以羹熟爲節然後行禮
○淮南子曰豆之上先大羹○繆襲祭儀曰夏祠和
羹芼以葵秋祠和羹芼以葱冬祠和羹芼以韭

毛魚

封人云歌舞牲及毛魚之豚注云爛去毛而魚之以

備八珍○內則云炮取豚若將當作割之剝之實棗
於其腹中編葦以苴之塗之以謹當作塗炮之塗皆
乾擘之濯手以摩之去其皝音展為稻粉糝息酒反溲以
為醢以付豚煎諸膏膏必滅之鉅鑊湯以小鼎薺脯
于其中使其湯毋滅鼎三日三夜毋絕火而後調之
以醢醢○說文豚小豕也

載

曲禮凡進食之禮左殽右載注載切肉也殽在俎載
在豆又云三飯主人延客食載然後辯殽辯音○說
文載大臠也

飲食考卷十一終